



Comunu Santu 'Asili 'e Monti

Provìntzia de su Sud Sàrdigna

Bia de Croce di Ferro 32 - 09040 San Basilio (SU)

Tel. 070/9805536 www.comune.sanbasilio.ca.it

protocollo@pec.comune.sanbasilio.ca.it

UFÌTZIU DE SU SERVÌTZIU SOTZIALE



PROGRAMA REGIONALE

"MI PRENDO CURA"

Su Responsàbile de su Servìtziu

Remonada:

- sa D.G.R. n. 48/46 de su 10.12.2021, "Programa regionale "Mi prendo cura". Lìneas de indiritzu 2021/2023. Lege regionale 17/2021. Mesura comunale complementare a su programa "Tornare a casa Plus";
- sa D.G.R. n. 12/17 de su 07/04/2022 Programa regionale "Mi prendo cura" Lìneas de indiritzu 2021/2023. Lege regionale 22 onniasantu 2021 n. 17. Mesura comunale complementare a su programa "Tornare a casa plus". Lege regionale 9 martzu 2022 n. 3. Integratzione lìneas de indiritzu;
- sa D.G.R. n. 10/28 de su 16/03/2023 pro chi sunt istadas adotadas e integradas is lìneas de indiritzu pro is annualidades 2023/2025;

INFORMAT CHI:

is sugetos in possessu de is requisiti postos in su presente bandu segundu sa Lege Regionale n° 17 de su 22 mese de idas 2021 riferida a sa Deliberatziones de Giunta Regionale n° 48/46 de su 10/12/2021, n. 12/17 de su 07/04/2022 e n. 10/28 de su 16/03/2023 podent presentare dimanda pro sa misura "MI PRENDO CURA", complementare a sa misura "Torrare a casa Plus" segundu su chi est dispostu dae su presente Avisu.

1 Ogetu

Sa mesura cunsistet:

-in unu contributu econòmicu pro suprire is custos tentos in is annos 2023 in is mensilidades de ativatzione de su progetu RAC PLUS, relativos a fruniduras de meighinales, ausilios e pròtesi chi non sunt supridas dae su Servitziu sanitàriu regionale e de fruniduras de energia elètrica e de riscaldamentu chi non sunt cunsideradas in is mesuras sanitàrias e sotziales ordinàrias;

in unu contributu econòmicu pro suprire is custos tentas pro s'achirimentu de servìtzios professionali de assistèntzia a sa persone in favore de cussos chi ant presentadu dimanda de ativatzione de unu progetu nou Tornare a casa Plus, achirida a manera formale dae s'àmbitu de riferimentu, sunt abetende dae prus de 30 dies pro s'ativatzione sua.

2 Benefitziàrios

Sunt benefitziàrios de su programa regionale "Mi prendo cura", is tzitadinos residentes in su comunu de Santu 'Asili, benefitziàrios de su programa regionale "Tornare a casa plus" a su momentu de sa publicatzione de su presente AvisuPùblicu, o chi sunt abetende s'ativatzione dae prus de 30 dies, in manera indipendente dae su livellu de intensidade assistenziale presentadu;

3 Entidade de su contributu

Pro ogni benefitziàriu sa summa màssima de su contributu est de € 2.000,00 annuales chi permitit a is benefitziàrios de afrontare bisòngios chi non sunt cundideradas dae is mesuras sanitàrias e sotziales ordinàrias. Custa summa at a pòdere èssere integrada dae àteros € 1.000,00 in favore de is benefitziàrios malàidos de isclerosi laterale amiotròfica e isclerosi. Su contributu cuntzèdidu depet èssere impreadu prus che totu pro:

-fruniduras de meighinales, ausilios e pròtesi chi non sunt satisfatas dae su Servitziu sanitàriu regionale e de fruniduras de energia elètrica e de riscaldamentu chi no agatent cobertura intre is mesuras traditzionales in favore de is chi sunt in cunditziones econòmicas malas;

-is chi, ant presentadu dimanda de ativatzione de unu progetu nou "Tornare a casa Plus" 2023, achirida formalmente dae s'Àmbitu de riferimentu, e sunt isetende dae prus de trinta dies pro s'ativatzione sua: pro s'achirimentu de servìtzios professionali de assistèntzia a sa persone.

Custu contributu tocat a ddu cunsiderare complementare respetu a is interventos giai prevididos dae su Programa "Tornare a casa PLUS. Su contributu, comente naradu, at a pòdere tènnere una decurtatzione in resone de su balore Isee de s'impitadore interessadu comente inditadu in sa sighente tabella,

Su contributu non superiore a is €2.000,00 annuales est sugetu a sa verìfica de s'ISEE:

TABELLA LÌMITES ISEE PRO PROGRAMMA MI PRENDO CURA	
ISCAGLIONES ISEE	DECURTATZIONES
Finas a 15.000 èuros	zeru
Dae 15.001 a 25.000 èuros	5%
Dae 25.001 a 35.000	10%
Dae 35.001 a 40.000	25%
Dae 40.001 a 50.000	35%
Dae 50.001 a 60.000	50%
Dae 60.001 a 80.000	65%
Prus de 80.000	80%

Casumai is rechestas presentadas siant prus artas de is risursas disponibles s'at a aplicare una reduida proportzionale pro cada beneficiariu.

4-Controllos subra de is decraratziones istitutivas

Is decraratziones istitutivas presentadas (decraratziones istitutivas de atu de notoriedade e de tzertificatzione) podent èssere sutapostas a controllos e verifegas segundu is modalidades e cunditzones prevididas dae is art. 71 e 72 de su DPR 445/2000, dae su Comunu de Santu 'Asili.

Est disposta sa rèvoca de su benefitziu casumai dae is controllos fatos segundu su DPR 445/00 essat a campu decraratziones farsas, fatos sarvos is disponimentos penales vigentes in matèria.

5-Tratamentu de is datos personales

Su tratamentu, s'impreu e sa cunservatzione de is datos, ant a èssere fatos segundu is modalidades indicadas in s'informativa subra de su tratamentu de is datos personales, publicada in manera cuntestuale a su presente Avisu.

6- Modalidades de presentada de is rechestas

Is rechestas ant a dèpere èssere presentadas compilende su mòdulu apòsitu predispostu dae custu Servitziu, chi si podet iscarrigare dae su giassu istituzionale de su Comunu o acanta s'ufitziu servitziu sotziale e cunsignadu a s'ufitziu protocolu intro e no a prus de su 31 12 2023.

Sa rechesta at a dèpere èssere unida a sa documentatzione sighente:

- documentu de reconnoschimentu de su richiedente e de su beneficiariu bàlidu;
- paperis giustificativos relativos a sa frunidura de energia elètrica e riscaldamentu pro s'annu 2023;
- retzidas fiscales o faturas relativas a frunidura de meighinales, ausilios e pròtesi relativos a s'annu 2023;

- declarazione personale chi dimostrent chi custas ispesas non sunt supridas dae su SSN e de àteras mesuras in favore de is sunt in cunditiones econòmicas malas;
- eventuale protocolu de achirimentu de sa dimanda RAC PLUS presentata in su cursu de su 2023 e chi est isetendesi dae prus de 30 dies.
- informativa subra de su tratamentu de is datos personales.

SANTU 'ASILI 'E MONTI, SU 10.05.2023

SU RESPONSÀBILE DE SU SERVÌTZIU

F.DU GIANNA MARIA CAPPAL